

საინფორმაციო გზამკვლევი პროფესიული სტუდენტებისთვის

ძვირფასო სტუდენტებო!

კოლეჯის სახელით გილოცავთ პროფესიული სტუდენტის სტატუსის მოპოვებას და გულითადად მოგესალმებით სსიპ კოლეჯის „ახალი ტალღა“ საგანმანათლებლო სივრცეში.

გვინახრია, რომ პროფესიული განვითარების გზაზე არჩევანი ჩვენს კოლეჯზე შეაჩერეთ. ჩვენი მისიაა, უზრუნველვყოთ ხარისხიანი პროფესიული განათლება, თანამედროვე სასწავლო გარემო, კვალიფიციური პროფესიული მასწავლებლები და სტუდენტზე ორიენტირებული სერვისები, რომლებიც ხელს შეუწყობს თქვენს პროფესიულ, პიროვნულ და კარიერულ განვითარებას.

პროფორიენტაცია და კარიერის განვითარება

კოლეჯში ფუნქციონირებს სტუდენტური სერვისებისა და კარიერის განვითარების სამსახური, რომელიც სტუდენტებსა და სხვა დაინტერესებულ პირებს აწვდის ამომწურავ ინფორმაციას პროფესიული საგანმანათლებლო პროგრამების, კარიერული განვითარების შესაძლებლობებისა და დასაქმების პერსპექტივების შესახებ.

საგანმანათლებლო პროგრამები შემუშავებულია შრომის ბაზრის მოთხოვნების შესაბამისად, რაც სტუდენტებს აძლევს შესაძლებლობას, მიიღონ ხარისხიანი პროფესიული ცოდნა, განვიითარონ პრაქტიკული უნარ-ჩვევები და წარმატებით დაიმკვიდრონ თავი შრომის ბაზარზე.

კოლეჯი სწავლების დასრულების შემდეგაც აგრძელებს კურსდამთავრებულებთან თანამშრომლობას, აკვირდება მათ კარიერულ განვითარებას, ორგანიზებას უწევს დასაქმების ფორუმებს და წარმატებულ კურსდამთავრებულებსა და სტუდენტებს პარტნიორ ორგანიზაციებთან რეკომენდაციას უწევს.

ამასთან, კოლეჯი აქტიურად უწყობს ხელს სტუდენტების მონაწილეობას საერთაშორისო პროექტებსა და გაცვლით პროგრამებში, რაც მათ აძლევს საერთაშორისო გამოცდილების მიღებისა და პროფესიული განვითარების დამატებით შესაძლებლობას.

პროფესიული სტუდენტური ცხოვრება

კოლეჯი სტუდენტებს სთავაზობს მრავალფეროვან ექსტრაკურიკულურ, კულტურულ, ინტელექტუალურ, სპორტულ და შემეცნებით აქტივობებს, რომლებიც ხელს უწყობს პროფესიული, სოციალური, ლიდერული და კომუნიკაციური უნარების განვითარებას.

საინფორმაციო და საკონსულტაციო მომსახურება

სტუდენტებს შეუძლიათ მიიღონ კონსულტაცია ჩარიცხვასთან, რეგისტრაციასთან, სასწავლო პროცესთან, შეფასებასთან, მობილობასთან და სხვა ადმინისტრაციულ საკითხებთან დაკავშირებით.

საჭიროების შემთხვევაში გაიცემა შესაბამისი ცნობები და სხვა ოფიციალური დოკუმენტები.

სამედიცინო მომსახურება

კოლეჯში ფუნქციონირებს შესაბამისი სტანდარტებით აღჭურვილი სამედიცინო სივრცე, სადაც სტუდენტებს ემსახურება კვალიფიციური ექთანი. სასწავლებელში დაცულია სანიტარიულ-ჰიგიენური და უსაფრთხოების ნორმები.

ინკლუზიური გარემო

კოლეჯი უზრუნველყოფს სპეციალური საგანმანათლებლო საჭიროების მქონე (სსსმ) და შეზღუდული შესაძლებლობის მქონე (შშმ) სტუდენტებისთვის თანაბარ ხელმისაწვდომობას.

სასწავლო გარემო ადაპტირებულია პანდუსებითა და ლიფტებით, ხოლო საჭიროების შემთხვევაში სტუდენტები იღებენ კვალიფიციური სპეციალისტების მხარდაჭერას.

ბიბლიოთეკა და საინფორმაციო ტექნოლოგიები (IT)

ბიბლიოთეკაში ხელმისაწვდომია მოდულების შესაბამისად განსაზღვრული ბეჭდური და ელექტრონული სასწავლო რესურსები.

სტუდენტებს შეუძლიათ ისარგებლონ კომპიუტერებით, სმარტ დაფებით, უკაბელო ინტერნეტით (Wi-Fi), ასევე სკანირების, კოპირებისა და ბეჭდვის მომსახურებით.

საერთო საცხოვრებელი

კოლეჯს აქვს საერთო საცხოვრებელი, რომელიც განკუთვნილია რეგიონის სტუდენტებისთვის.

უახლოეს მომავალში დაგეგმილია შენობის სრული რეაბილიტაცია, რათა სტუდენტებისთვის შეიქმნას თანამედროვე, კომფორტული და უსაფრთხო საცხოვრებელი გარემო.

სატრანსპორტო მომსახურება

სტუდენტების საჭიროებების გათვალისწინებით, კოლეჯი უზრუნველყოფს უსაფრთხო სატრანსპორტო მომსახურებას საკუთარი მიკროავტობუსით.

☺ უსაფრთხოება

სტუდენტების უსაფრთხო და მშვიდ სასწავლო გარემოს უზრუნველყოფს კოლეჯის დაცვის სამსახური, რომელიც 24-საათიან რეჟიმში ფუნქციონირებს თანამედროვე ვიდეომეთვალყურეობის სისტემის გამოყენებით.

გისურვებთ წარმატებულ, ნაყოფიერ და საინტერესო სტუდენტურ ცხოვრებას, პროფესიულ წინსვლასა და კარიერულ წარმატებას!

„თქვენი წარმატება — ჩვენი მისიაა.“